

La doturia Grete Mahlknecht é demez dai 15 ai 22 d'aurí y vëgn sostituida dal dotur Eduard Agreiter 333 13 80 852.

La farmacia Pütia é stlúta dai 25 ai 28 d'aurí 2024.

Chi che n'á nia bele tut pert ala cumpedada linguistica online cina de forá, pó de jö la detlaraziun sön papier pro n relevadú nominé apostá a Lungiarü, tl salf dla ex-posta en mertesc. 16 d'aurí dales 14.00 - 18.00

Al vëgn recordé che dúc chi che á ai 30.09.2023 la residënza tla provinzia de Balsan y la zitadinanza taliana é obliá da dé jö la detlaraziun de portegnënza a un di trëi lingac ladin, talian o todësch o de agregaziun a un de chisc lingac. Por i mituns sot a 18 agn pó i geniturs dé jö la detlaraziun.

Al vëgn lascé alsavëi che l'Aministraziun dl Comun da San Martin de Tor á l'intenziun da tó sò por le proscimo isté 2024 nr. 1 studënt/ta por n practicum formatif y de orientamënt pro i ofizi y/o pro le magazin de comun.

Les domandes mëss gní presentades al ofize protocol dl comun cina en jöbia ai 18 d'aurí 2024 dales 12.00. Info tl ofize dl personal (tel. 0474/524378) tratan l'orar d'ofize o sön la plata internet dl comun www.comun.sanmartindetor.bz.it

PLOANIES SAN MARTIN Y LUNGIARÜ

L'Unité Pastoral Val Badia inviëia a n iade a Assisi cun Christian Ferdigg dai 28 ai 31 d'otober 2024. Le cost por le iade plü 3 nöts te hotel cun gosté y cëna é de 365 € a porsona, na ciamera singola costa 440 €. Prenotaziuns cina ai 26 de ma ala Holimites: T: 0471 838022 E-Mail: iadi@holimites.com

L'Unité Pastoral inviëia bel dúc i geniturs de nostes crejimantes y nusc crejimanc y chi che á interes a na incuntada cun le diretur nü dl ofize dla catechesa de nosta diozeja, Andrea Bailoni che nes baiará dl monn di jogn y dla fede aldedaincò en jöbia, ai 18 d'aurí, dales 20.00, a Badia tla Ciasa Runcher o le lönesc, ai 22 d'aurí, dales 20.00. a San Martin, tl salf di Stödafüch.

En mercui, ai 17 d'aurí dales 20.00 tla dljia da La Val y tl apartamënt vëgnel dit na corona por l'interzesciun de siur Heinrich Videsott.

LUNGIARÜ

La Uniun di Èi da Lungiarü rengraziëia por la buna partezipaziun ala lîta di surastanc dla uniun y ti dij dër bel dilan a chi che á azeté l'inciaria: a Hanspeter Clara, Arthur Clara, Emil Clara y Emil Sorà.

La Uniun di Seniors da San Martin inviëia dúc al Batadú tla Ciasa de Palsa en dedemesaledema, ai 17 d'aurí, dales 14.00. Iscriziuns cina en dedolönesc, ai 16 d'aurí, por telefon 0474 524700. Cost de partezipaziun é de 20 euro porom.

Le Museum Ladin Ciastel de Tor/Aziënda Museums Provinziai scri fora: 1 post por le sorvisc da puzené, 16 ores al'edema dal 01.06.2024 ai 15.11.2024, termo por les domandes é le 10.05.2024. Recuisic ghirá: atestat dla scora elementara o avëi stlüt jö la scora d'oblianza. Info: info@museumladin.it, tel. 0474 524020. Mené les domandes cun curriculum vitae a info@museumladin.it o les dé jö personalmënter tl Museum Ladin, Str. Tor 65, 39030 San Martin de Tor.



Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

14.04. - 21.04.24 n. 20

unitepastoral.org

ultimo termo por comunicaziuns: jöbia, dales 20.00

3^a DOMÈNIA DE PASCA - B

Vangele do san Jan 24,35-48

..... Cíamò tratan ch'ai baiâ de chësc, é l gnü instës amesa ëi ite y ti à dit: Pësc a os! Ai s'á spordü y se temô dassënn, cíodí ch'ai minâ ch'ai odess n spirit. Dailò ti à dit: Cíodí sëise pa döt spordüs? Cíodí dubitëise pa te osc cör? Cíaredi a mies mans y a mi pîsc: I sun iö instës. Piédeme ite, y odede: Degun spirit n'á cern y ôsc, sciöch'i odëis pro mè. Pro chëstes parores ti à mostrè sües mans y sü pîsc. Ai se fajô demorvëia, mo dala ligrëza n'ësi nia cíamò bugn da creïe. Dailò à dit: Èise val' da mangé chilò? Ai ti à dè n toch de pësc apratè; al l'á tut y l'á mangé dan sü edli. Spo ti à dit. Chëstes é les parores, ch'i ves à dit, canch'i é cíamò pro os: Döt mëss s'ademplì cí che é scrit de mè tla lege de Mosè, pro i profec y ti salms. Sön chëra ti à daurì l'intelet ch'ai capiss les scritöres.



Por rové ala fede deplëgn orunse conscidré le tru che Gejú é jü cun sü discepui y ch'al vëgn ince cun nos. I vangeli de Pasca baia de chësc te deplü variaziuns. Ai cunta di discepui che n'è nia bugn da creïe, ch'ai n'è tres ciamó nia bugn da creïe, di dübi che gnò sò ti cörs di discepui.

Söl tru da rové a creïe, n'án nia bria da se dodé sc'an á dificultés. Sciöche Gejú afrontâ inlaota l'incredulité di discepui y se lasciá ite te sü problems, insciö arál ince paziënza cun nos y gnará cun nos y nes insignará ince a nos co ch'i rovun inant, vare por vare, ala fede.

N gran aiüt lapró é lí la Sacra Scritöra. Sc'i porvun da la capí plü sot, capiunse ince damí Gejú. Le Vangele nes dij che Gejú instës ti á daurì l'intelet ch'ai capis les Scritöres. Periun Gejú ch'al fejes chësc ince pro nos. *Te Deum*

EDEMA - B	SAN MARTIN	LUNGIARÛ
14.04.24 3ª DOMÈNIA DE PASCA - B <i>Prozesciun a Porsenú de S. Vigile y S. Ciascian</i>	Festa dla Pröma Comuniun (siur Klaus) 10.00 Ingres dala scora te dlijia Gran Mëssa por la Comunité	7.55 Corona 8.15 Liturgia dla Parora de Dî
15.04.24 <i>Teodor, Damian</i> Lönesc		7.50 Mëssa di scolars def. de Paul y Maria, Brocia vis y def. dl Ostí Vedl
16.04.24 <i>Bernardeta, Veronica</i> Dedolönesc	8.00 Mëssa en onú de Sant Antone a d'intenziun + + Videsott, Picolin	
17.04.24 Dedemesaledema <i>Eberhard, Rudolf</i>		7.30 Mëssa + Emilia Frenes por les Püres Animes
18.04.24 <i>Sabina, Anastasia</i> Jöbia		
19.04.24 <i>Leo, Werner</i> Vëndres	18.30 Adoraziun chîta 19.00 Adoraziun deboriada	
20.04.24 Sabeda <i>Odetta, Sara</i>	18.30 Mëssa prefestia por fam. Otto Schanung + Franz Planatscher + + + Clara, Frida y Paul Vantsch + Nando Flöss	
21.04.24 4ª DOMÈNIA DE PASCA Domènia dles vocaziuns	9.30 Corona (don Yuriy) 10.00 Gran Mëssa por la Comunité + + de Gran Ju + Sepl Flöss, d'Arzó + + de Gröpa + Loise Ploner Unterweger	7.50 Corona 8.15 Gran Mëssa por la Comunité + Veneranda Clara, Tuscer dl ann + Zilia Mischi



Tl mëis d'aurí periunse do l'intenziun dl Papa

I periun che la dignité y le valor dles ères vëgnes reconesciüs te vigni cultura y che les descriminaziuns dl'era te tröpes perts dl monn ais na fin.



Signur Gejú Crist, insëgnesse da crëie y acompagnëisse te nüsc vari ch'i messun dé sön le tru dla fede. Dëidesse te nüsc dis da ester tües testemones y tü testimoni, porsones cun le cör davert por te y por le monn, por döt ci che t'as scinché a me, a nos y a düc y por ci che te scincaras inant. I te laldun por tüa opera de fedelté inanter nos. Amen.



Cun ligrëza tolunse ite a San Martin les mitans y i mituns dla Pröma Comuniun te nosta comunité incër la mësa dl alté al past dl Signur, a chël ch'al inviëia pici y gragn. Gejú dij pö tl vangele do san Lüca (22,15): I m'á dër dejdré da tigní chësc past cun os. Insciö ti audunse ai mituns y ales mitans dla Pröma Comuniun, y ince a nos, na bela incuntada sintida cun Gejú y inanter nos, y na bela festa che ti restes imënt por döta la vita a chisc pici: Simon Dapoz, Maximilian Menegot, Nina Moling, Lara Marie Orlando, Chiara Paratscha, Noa Pezzei, Manuel Planatscher, Mattia Ploner y Jasmin Verginer.